

PEMBERITAHU PERTANYAAN DEWAN RAKYAT

PERTANYAAN : LISAN
DARIPADA : TUAN ZAIRIL KHIR JOHARI [BUKIT BENDERA]
TARIKH : 9.6.2014
SOALAN :

Tuan Zairil Khir Johari [Bukit Bendera] minta **MENTERI PENDIDIKAN** menyatakan program pengambilan tenaga pengajar Bahasa Inggeris dari India, termasuk kos, berapa ramai guru yang terlibat serta di manakah mereka akan ditugaskan.

JAWAPAN

Tuan Yang di-Pertua,

Pengambilan tenaga pengajar Bahasa Inggeris dari India (ELTI) telah diilhamkan oleh YAB Perdana Menteri hasil daripada kunjungan hormat beliau kepada TYT Dr. Manmohan Singh, Perdana Menteri India sempena Sidang Kemuncak ASEAN – India pada 20 Disember 2012. ELTI adalah berperanan sebagai *School Improvement Specialist Coaches* (SISC+) yang akan ditempatkan di Pejabat Pendidikan Daerah (PPD) terpilih bertujuan untuk membantu meningkatkan kualiti pengajaran dan pembelajaran Bahasa Inggeris di sekolah-sekolah di Malaysia.

Untuk makluman Ahli Yang Berhormat, pelaksanaan Program ELTI yang melibatkan 90 orang tenaga pengajar adalah bagi tempoh dua (2) tahun setengah, dengan menggunakan peruntukan sedia ada di bawah Dasar Memartabatkan Bahasa Malaysia Memperkukuh Bahasa Inggeris (MBMMBI), Kementerian Pendidikan Malaysia.